

**UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koju zastupa policijski komesar, Generalni inspektor policije Nusret Selimović, (u daljem tekstu: Ugovorni organ)**

**I**

**Grupa ponuđača-konzorcij danial'S d.o.o Tešanj, Trg žrtava 3. augusta 1, ID broj: 4218412690001 i KOTEKS d.o.o Tešanj, Poslovna zona Vila 43, ID broj: 4218211440007, koju zastupa ovlaštenu predstavnik grupe direktor danial'S d.o.o. Tešanj Haris Sejdić (u daljem tekstu: Dobavljač)**

**zaključili su:**

## **UGOVOR O NABAVCI BALISTIČKIH PRSLUKA**

### **Član 1.**

Predmet ovog Ugovora je nabavka policijske opreme – balističkih prsluka – 369 kom, za potrebe Uprave policije MUP-a Kantona Sarajevo.

Nabavka je izvršena putem otvorenog postupka, na osnovu Odluke broj 02-14-4-1485 od 19.03.2019. godine.

### **Član 2.**

Ugovorne strane su se sporazumjele da kupoprodaja iz člana 1. Ugovora obuhvata sve elemente navedene u ponudi Dobavljača broj: IP/285/19 od 25.04.2019. godine i na osnovu koje je, zajedno sa elementima iz tenderske dokumentacije i sačinjen ovaj Ugovor. Ponuda Dobavljača broj IP/285/19 od 25.04.2019. godine je sastavni dio ovog Ugovora.

### **Član 3.**

Međusobna prava i obaveze između članova Grupe ponuđača-Konzorcij u ostvarivanju poslovne saradnje i drugim pitanjima poslovnog povezivanja, utvrđena su Ugovorom o konzorciju broj OUR-082/19 (danial'S d.o.o. Tešanj) od 25.04.2019. godine.

Na osnovu Ugovora zaključenog između članova Grupe ponuđača-Konzorcij, broj OUR-082/19 (danial'S d.o.o. Tešanj) kao vodeće društvo u Konzorciju određeno je Društvo danial'S d.o.o Tešanj.

Ugovor o konzorciju broj OUR-082/19 (danial'S d.o.o. Tešanj) od 25.04.2019. godine je sastavni dio ovog Ugovora.

### **Član 4.**

Ukupna vrijednost predmetne nabavke sa uključenim PDV-om iznosi:

861.301,35 (osamstotinašezdesetjednahljadatristotinejedan i 35/100) KM

Cijena i ostali elementi ovog Ugovora se ne mogu mijenjati.

### **Član 5.**

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora sa klauzulom plativo na prvi pisani poziv

korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

#### **Član 6.**

Dobavljač se obavezuje da će opremu iz člana 1. ovog Ugovora isporučiti najkasnije u roku od 120 (stotinudvadeset) dana od dana stupanja na snagu ovog Ugovora, na adresu Ugovornog organa, Magacin Rakovica, 71000 Sarajevo.

Sve troškove isporuke do primopredaje, kao i troškove reklamacije snosi Dobavljač.

#### **Član 7.**

Prilikom primopredaje izvršit će se pregled predmetne opreme radi evidentiranja mogućih vidljivih nedostataka na istoj.

Metodom slučajnog odabira, odredit će se jedan komad balističkog prsluka, koji će biti poslan na analizu, kako bi se potvrdilo da isporučena roba po svojim osobinama odgovara onom što je predmet ugovora.

Uzorak za analizu će se odabrati u prisustvu obje ugovorne strane.

O izvršenoj primopredaji će se sačiniti zapisnik.

#### **Član 8.**

Dobavljač se obavezuje da će odmah postupiti po eventualnim primjedbama Ugovornog organa u pogledu nedostatka na ime izvršene nabavke iz člana 1. i 2. ovog Ugovora.

Kašnjenje u realizaciji Ugovora povlači obračun ugovorne kazne u visini od 1% od vrijednosti ovog Ugovora za svaku punu sedmicu kašnjenja do urednog ispunjenja, s tim da ukupan iznos ugovorene kazne ne može biti veći od 10% od vrijednosti ovog Ugovora.

#### **Član 9.**

Plaćanje izabranom ponuđaču će se vršiti u roku od 30 (trideset) dana od dana isporuke robe i dostavljanja fakture, na tekući račun Dobavljača.

#### **Član 10.**

Ukoliko Ugovorni organ ocijeni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko ponudena oprema nije u skladu sa datom ponudom iz člana 2. ovog Ugovora, Ugovorni organ može jednostrano, bez saglasnosti Dobavljača, raskinuti ovaj Ugovor.

#### **Član 11.**

Garancija Dobavljača na isporučenu opremu iznosi 10 (deset) godina za balistički materijal i 3 (tri) godine za vanjski plašt i ostale komponente, počinje da vrijedi od datuma isporuke opreme.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja ili više sile.

#### **Član 12.**

Dobavljač nema pravo zapošljavati, u svrhu izvršenja ovog Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili

stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

**Član 13.**

Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

**Član 14.**

Eventualno nastale sporove pri realizaciji ovog Ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

**Član 15.**


Svaka od Ugovornih strana može otkazati ovaj Ugovor u pisanoj formi, uz otkazni rok od 15 (petnaest) dana iz razloga koji su utvrđeni Zakonom o obligacionim odnosima.

**Član 16.**

Ovaj Ugovor je zaključen, kada isti potpišu obje ugovorne strane i važi do izmirenja dužničko-povjerilačkih odnosa.

**Član 17.**

Ovaj Ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

**DOBAVLJAČ**  
**Grupa ponuđača**  
daniel's d.o.o. Tešanj i KOTEKS d.o.o.  
  
ovlašteni predstavnik grupe  
Haris Sejdici Tešanj

**UGOVORNI ORGAN**  
**MUP KANTONA SARAJEVO**  
**UPRAVA POLICIJE**

**POLICIJSKI KOMESAR**  
Generalni inspektor policije  
Nusret Selimović

Broj: ovr 210/19

Broj: 02-14-4-1485-28

Datum: 26.12.2019.

Datum: 18.12.2019. godine

